

PRIKAZI I OSVRTI

GRAČANIČKI GLASNIK
časopis za kulturnu historiju

Broj 52
Godina XXVI
Novembar, 2021.
[str. 173-174]

© Monos 2021


Sakib Kurtić, Tešanjski leksikon

“Planjax” Tešanj 2021.

Po definiciji leksikon je knjiga u kojoj su abecednim redom protumačeni različiti pojmovi, imena, događaji, naučno-stručni nazivi (opšti leksikon, medicinski, sportski, geografski itd) leksikon. “Tešanjski leksikon” je jedinstvena knjiga koja obuhvata opće i historijske pojmove iz tešanskog kraja u zadnjih 200 godina. Na 375 stranica sadrži 1664 leksikografska zapisa, od toga 1201 zapis o ljudima. Radi se o znatnom broju likova koji su kroz razne vremenske periode bile od nekog značaja za Tešanj i tešanjski kraj. Osim ličnosti, autor na svojevrsan način, leksikografski predstavlja i znatan broj firmi – preduzeća, imena naselja, spomen-obilježja, političkih stranaka, bogomolja, toponima... Radi se o pojmovima koji su obilježili i koji i dalje obilježavaju ovaj teritorij. Po njima je, u historijskom i ovovremenskom kontekstu, Tešanj uvijek bio i ostao prepoznatljiv, kako u BiH tako i šire. U knjizi su leksikografski obrađeni istaknutiji državni činovnici, načelnici, gradonačelnici, političari, direktori preduzeća, javnih ustanova, škola, ljekari specijalisti, znanstvenici, univerzitetski profesori, doktori nauka i magistri, istaknute sportske ličnosti, tešanjaska ulema, književnici, slikari, vojna lica, ratni komandanti, nosioci visokih društvenih i vojnih priznanja, glumci, muzičari....

Kurtić je obradio i značajne događaje iz historije Tešnja u spomentom vremenskom okviru, sa posebnim osvrtom na događaje ‘92-95’.

Naglasio je važne privredne subjekte od 90-tih godina pa sve do današnjih dana koji su bili i ostali nosioci razvoja ove lokalne sredine, istakao je nove uspješne kompanije. Leksikon obiluje podacima o zdravstvenim ustanovama, obdaništima, osnovnim i srednjim školama, bibliotekama, bogomoljama,



naseljima Tešnja i mjesnim zajednicama. Značajno mjesto zauzimaju i nazivi ulica u Tešnju, Jelahu i Tešanjci. Osvrnuo se na toponime, geografske pojmove, rijeke, jezera, mostove, tvrđave, kulturno-historijsko naslijeđe. Obradio je i političke organizacije i njihove lidere, nevladin sektor, udruženja građana, boračka udruženja, sportska i kulturno-umjetnička društva iz ovog kraja. Nije izostavio ni toponime, geografske pojmove, rijeke, jezera, mostove.

Knjiga "Tešanjski leksikon", kako reče autor u uvodnim napomenama, moći će po-

služiti i kao specifičan priručnik, dostupan na korištenje svim kategorijama korisnika. To je u ime izdavača potvrdio i prvi čovjek "Planjaxe" Bajruzin Hajro Planjac, rekavši da su knjige koje su izašle iz ove izdavačke kuće "Ko je ko u BiH" i "Tešanjski leksikon" kapitalna djela, pa će Izdavački savjet "Planjaxe" "Tešanjski leksikon" preporučiti za knjigu godine, a njenog autora za posebno priznanje te izdavačke kuće.

Miralem Begić